

Inatsisartut suleriaasiat § 37 malillugu, immikkoortoq 1 naapertorlugu matumuuna Naalackersuisunut apequt imaattoq saqqummiuppara:

Naalackersuisunut angallannermi kiffartuussinissamut isumaqatigiissutit pillugit apequtit:

1. Kiffartuussinissamut isumaqatigiissutip suliarineqarnerani aallaqqaammulli susoqarpa? (suliamut tamakkiisumut nassuiaanissaq piumasarineqarpoq)
2. Kikkut neqoroqataappat aamma suna tunngavigalugu aalajangersaasoqarpa? Itigartitaasut suna tunngavigalugu taama pisoqarpa?
3. Naalackersuisoqarfimmiit Naalackersuisunut innersuussisoqarnikuuaa kiffartuussinissamut isumaqatigiissutit isikkuanut imarisaanullu tunngasuniik, taakkulu malinneqarsimappaat?
4. Naalackersuisoqarfiit arlaat (departementer, styrelser, afdelinger) innersuussisimava aammalu immikkoortortaqarfiit sorliit akuutinneqarsimappaat?
5. Kiffartuussinissamut isumaqatigiissummi suliaqarsimanerup kingunerisaanik arlaatigut sulineri kinguneqartitsinissamik pissutissaqartoqalersimavaa (assersuutigalugu mianersoqqussummik imlt soraarsitsinermik) Naalackersuisoqarfinni atorfilittanut innersuussinermi akisussaasimasunut, imaluunniit arlaatigut suliap ingerlanerani akuusimanermi?
6. Aningaasaqarnermi ataatsimiititaliami kikkut tapersiippat aammalu kikkut itigartitsippat?
7. Naalackersuisoq kisimiilluni innersuunneqartut tunngavigalugit aalajangersaava?
8. Imaluunniit Naalackersuisut tamarmiullutik aalajangeeqataanerat tunngavigalugu ingerlanneqarpa?

(Inatsisartunut Ilaasortaq Per Rosing-Petersen, Partii Inuit)

Tunngavilersuut:

Kiffartuussinermi isumaqatigiissut tamatta takusinnaavarput minnerpaamilluunniit pissutsinik iluatseriarfiunngitsoq, suliallu aallaqqaataaniik tamaat susoqarsimanersoq paasisariaqalerparput. Kikkut siunnersortaasimappat, kikkut innersuussisarsimappat, aammalu kikkut aalajangersaasimappat siunnersorneqarneq tunngavigalugu, qanorlu. Inuiaqatigiinnut atugassarititaasut ajorsiarpuunnaq, misiginarporlu innuttaasut inatsisartullu uani suliami aamma sallunaveeqqutitut tigummiarneqartut tamannalu akuersaarneqarsinnaanngilaq. Ullunimi makkunani tusagassiorfiit aqutigalugit tusartualerparput isumaqatigiissut ajorseriaataasoq atorunnaarsinneqarsinnaanngitsoq. Taamaattumik apeqquterpassuit piunnaarlugit akisussaaffimmik inissiisoqartariaqalerpoq, kinguneqartitsillunilu siunissamik kukkuluttornerit taama kinguneqapilutitsisut pinngitsoorniassagaanni. Killiffimmi erloqinarpoq akuersaarneqarsinnaananilu, takuneqarsinnaananilu taamaattoqaraluartoq minnerpaamilluunniit susoqarsimaneramik misissuititsisoqarsimanngitsoq, kukkunerujussuarlu inuiaqatigiit akisunaarujussuagaannut atorfilittanut attuumassuteqartunut kinguneqartitsisoqaraniluaasiit, soorlu nageqattaartumik "Aappi Ministeri" assiliinnagaq. Suliap aallartinneraniit suna tamaat susoqarsimaneramik qulaajaaneq pisariaqarpoq akisussaaffimmillu inissiisoqarluni, suliami sumiluunniimmi akisussaasumik peqartarpoq. Tassalu killiffiup erloqinartupilussuup innuttaasunut Naalackersuinikkut pisussaafeqarneq minnerpaamik taamaattariaqarpoq.

Kissaatigaara apeqqutikka, suleriaaserput malillugu, ullut qulit iluanni akineqassasut.